



Republika e Kosovës / Republika Kosovo / Republic Of Kosovo




Komuna Rahovec / Opština Orahovac / Municipality Rahovec

Drejtoria për Arsim
Odeljenje za Obrazovanje
Department for Education

Raport nëntëmujor i punës

(Janar – Shtator, 2023)



Gjatë nëntë muajve të parë të vitit 2023 në kuadër të planifikimeve të bëra nga Drejtoria Komunale për Arsim, u realizuan këto aktivitete të pasqyruara sipas muajve:

Muaji Janar

Në javën e parë të këtij muaji kanë vazhduar punimet e filluara në projektin e riparimeve të brendshme në shkollën "Bekim Sylka" dhe paralelisht me këto, kanë vazhduar punimet edhe në eficiencë. Punimet poashtu kanë vazhduar edhe në projektin e ndërtimit të objektit të ri të Shfmu "Hamëz Thaçi" në Xërxë.

Mbajtëm një takim me stafin e DKA-së në të cilin diskutuam për realizimin e planit vjetor të punës për vitin 2023. Kemi vazhduar me përgatitjet e duhura të paramasave për 2 projekte; projektin e furnizimit të shkollave me pako pedagogjike dhe projektin e furnizimit të bibliotekave të shkollave me libra. Pas pushimit me rastin e festës së Vitit të Ri, më 4 janar rifilloi mësimi në të gjitha shkollat dhe procesi mësimor u zhvillua normalisht. Publikuam raportin vjetor të punës së DKA-së për vitin 2022. Mbajtëm një takim me Aktivat Profesionale të DKA-së në të cilin diskutuam për finalizimin e Pakos Pedagogjike. Mbajtëm një takim në Shkollën Profesionale dhe po ashtu një takim tjetër përgatitor me Këshillin Organizues për Manifestimet e Flakës së Janarit. Mësimi në të gjitha shkollat dhe procesi mësimor u zhvillua normalisht. Përgatitëm Planin Tremujor të punës së DKA-së për vitin 2023. Kemi filluar me procedurën e prokurimit për projektin e furnizimit të bibliotekave të shkollave me libra. Mbajtëm një takim me zyrtarët e divizionit për infrastrukturë në MASHT për fillimin e zbatimit të 2 projekteve nga niveli qendror, ai i çerdhes për fëmijë në qytet dhe projekti për ndërtimin e objektit të shkollës në Pastasel. Mësimi në të gjitha shkollat përfundoi për gjysmëvjetorin e parë dhe gjysmëvjetori i dytë do të fillojë më 6 shkurt 2023. Nga AME kemi marrë pëlqimin për mbrojtjen nga zjarri për objektin e ri të çerdhes në Krushë të Madhe.

Muaji Shkurt

Kanë vazhduar punimet në përfundimin e projektit të riparimeve të brendshme në shkollën “Bekim Sylka”, ku është bërë shtruarja e dysHEMEVE me epoksid dhe ka vazhduar lYerja e fasadës së mureve të brendshme. Po ashtu, kanë vazhduar punët edhe në projektin e ndërtimit të në objektit të ri të aneksit në Shfmu “Katër Dëshmorët” dhe në projektin e riparimeve të nyjeve sanitare të shkollës në fshatin Sapniq. Kemi nisur procedurën e prokurimit për projektin Furnizimi i shkollave me Pakon Pedagogjike.

Mësimi në të gjitha shkollat për gjysmëvjetorin e dytë filloi më 6 shkurt 2023, pas pushimit një javor. Kemi punuar në përgatitjen e paramasave për fillimin e projektit për furnizimin e shkollave me mjete dhe pajisje laboratorike. Mbajtëm takim me drejtorët e shkollave, koordinatorët e cilësisë dhe kryetarët e Këshillave Drejtuese të Shkollave (KDSH). Më 11 shkurt mbajtëm Garën Komunale të Fizikanëve të Rinj, me nxënësit e klasave 9. 10, 11 dhe 12. Gjatë këtij muaji kanë përfunduar punimet në projektin e riparimeve të nyjeve sanitare të shkollës në fshatin Sapniq. Mbajtëm edhe disa aktivitete garuese e kulturore me rastin e festës së 17 shkurtit – Ditës së Pavarësisë së Kosovës.

Mbajtëm një takim me përfaqësues të QPS-së, Drejtorisë së Shëndetësisë, OJQ-të dhe me Shoqatën Down Syndrome Kosova për koordinimin e aktiviteteve ndërmjet tyre për përkujdesjen ndaj fëmijëve me nevoja të veçanta. I dërguam për të marrë pjesë në Garën Shtetërore të Fizikanëve të Rinj, nxënësit fitues të Garës Komunale. Gjatë këtij muaji kemi punuar në përgatitjen e paramasave të projektit të riparimeve në shkolla.

Muaji Mars

U mbajtën ligjërata vetëdijësuese për sigurinë në komunikacion në bashkëpunim me policinë. Kemi bërë përgatitje për festën e 7 marsit – Ditës së Mësuesit. Me rastin e 7 Marsit – Ditës së Mësuesit dhe Shkollës së Parë Shqipe, mbajtëm një program festiv me mësimdhënësit dhe nxënësit e të gjitha shkollave. Kanë vazhduar të zhvillohen punime në projektin e ndërtimit të objektit të ri të aneksit në Shfmu “Katër Dëshmorët”, ku janë ndërtuar muret e katit të parë. Punimet kanë filluar edhe në projektin e zbatimit të masave të efijencës së energjisë në objektin e Shfmu “Dëshmorët e Zatriqit” në Zatriq.

Kemi punuar në përgatitjen e paramasave të projektit të riparimeve në shkolla dhe kemi nisur procedurën për këtë projekt, ndërkohë që së bashku me drejtorinë e administratës nisëm procedurën për projektin “Mirëmbajtja dhe rregullimi i hapësirave të jashtme dhe të brendshme të objekteve publike”. Së bashku me menaxherin e projektit dhe inxhinierët, kemi vizituar punishtet ku po vazhdojnë punimet në projektin e ndërtimit të objektit të ri të aneksit në Shfmu “Katër Dëshmorët”, dhe në projektin e ndërtimit të objektit të Shfmu “Hamëz Thaçi”. Patëm një takim me Kolegjiun për Arsim në kuadër të AKK-së dhe realizuam një vizitë në shkollën e fshatit Sapniq. Dorëzuam një kërkesë në MASHTI për pajisjen e IAAP-së me tri kabinete, në kuadër të thirrjes që kishte bërë MASHTI.

Muaji Prill

Përgatitëm Planin e Punës të DKA-së për tremujorin e dytë. Kemi mbajtur një takim në MASHT ku ishin pjesëmarrës të gjithë drejtorët e drejtorive komunale nga të gjitha komunat. Mbajtëm një takim edhe me drejtorët e shkollave dhe me kryetarët e këshillave drejtuese të shkollave. Punimet për instalimin e ndriçimit të brendshëm që u zhvilluan në objektin e Shfmu "Bekim Sylka" kanë përfunduar në javën e parë të muajit prill.

Hapëm konkursin për bursa për studentë dhe për nxënës. U përruan projektet e efijencës dhe të renovimeve të brendshme në objektin e Shfmu "Bekim Sylka". U shënuar Dita e Shkollës "Dëshmorët e Lirisë" në Pataqan të Poshtëm. Punimet në projektin e ndërtimit të objektit të ri të aneksit në Shfmu "Katër Dëshmorët", dhe në projektin e ndërtimit të objektit të Shfmu "Hamëz Thaçi" kanë vazhduar, por jo rregullisht, për shkak të reshjeve të shiut. Nga projektet e zbatimit të masave të efijencës së energjisë, përveç që është punuar në objektin e Shfmu "Dëshmorët e Zatriqit" në Zatriq, punët kanë filluar edhe në objektin e Shfmu "Rilindja" në Çifllak. Përgatitëm dhe dërguam në MASHT projektin ideor të Çerdhes për Fëmijë që pritet të ndërtohet në qytet. U shënuar Dita e Tokës me aktivitete pastrimi me të gjithë nxënësit dhe mësime dhënësit e të gjitha shkollave. Projektin ideor të Çerdhes për Fëmijë që pritet të ndërtohet në qytet ia dhamë detyrë kompanisë projektuese për ta shndërruar në projekt final. Në Shkollën "Hamëz Thaçi" në Xërxë, bëmë homazhe dhe nderime pranë bustit të dëshmorit në 24 vjetorin e rënies. U bënë furnizimi me libra për bibliotekat e shkollave nga operatori me të cilin kemi kontratë. U shënuar manifestime për Ditën e Shkollës, në Shkollën "Faik Konica" në Celinë dhe në Shkollën "Nesimi Elshani" në Nagac.

Muaji Maj

U bënë furnizimi i plotë me libra për bibliotekat e shkollave nga operatori me të cilin kemi kontratë dhe filluam shpërndarjen e tyre nëpër bibliotekat e shkollave. Pas marrjes së pranimi teknik nga KEDSI në Prizren, bëmë kërkesë për ta pajisur stacionin e pompave të ujit dhe objektin e çerdhes për fëmijë në Krushë të Madhe me njehsor elektrik Kycja e rrymës në këtë çerdhe u bënë gjatë këtij muaji. U shënuar Dita e Shkollës në IAAP "Selajdin Mullaabazi-Mici" e pashtu u përrua themelimi i Qendrës për Zhvillimin e Karrierës në këtë Institucion të Arsimit dhe Aftësimi Profesional. Punimet në projektin e ndërtimit të objektit të ri të aneksit në Shfmu "Katër Dëshmorët", dhe në projektin e ndërtimit të objektit të Shfmu "Hamëz Thaçi" kanë vazhduar gjatë gjithë muajit. U zhvilluan vizita në monumente nga nxënësit e Shkollave të Mesme të Larta, në koordinim me Drejtorinë e Kulturës dhe Qendrën Rinore. Realizuam 5 vizita kontrolli nga zyrtarët e DKA-së në 5 shkolla. U shënuar manifestime për Ditën e Shkollave dhe aktivitete përkujtimore për nder të Javës së Dëshmorëve në Shkollën "Milaim Krasniqi" në Pastasel, në Shkollën "Tre Dëshmorët në Vrajkë/Bratotin, në Shkollën "12 Maji" në Ratkoc dhe në Shkollën "Rilindja" në Çifllak. Vazhduam me furnizimin me libra nëpër bibliotekat e disa shkollave. U bënë të gjitha përgatitjet përfundimtare që objekti i ri i Shfmu "Bajram Curri" të përruhet dhe u bënë përrurimi më 19 maj 2023.

Muaji Qershor

Vazhduam me furnizimin me libra nëpër bibliotekat e disa shkollave dhe furnizimin e shkollave me mjete konkretizimi dhe laboratorike. U bënë përgatitjet e fundit dhe përruam 2 çerdhet për fëmijë në Krushë të Madhe dhe në Ratkoc, më 1 qershor 2023. Po në këtë ditë, organizuam dhe mbajtëm aktivitete të ndryshme për fëmijë, siç ishte Shfaqja Teatrale me Kukulla në Qendrën e Kulturës "Mensur Zyberaj". Punimet në projektet e ndërtimit të objekteve të reja të shkollave në Shfmu "Katër Dëshmorët", dhe në Shfmu "Hamëz Thaçi" kanë vazhduar. Po ashtu, punime ka pasur edhe në projektet e zbatimit të masave të efijencës së energjisë, në Shfmu "Dëshmorët e Zatriqit" në Zatriq, në objektin e Shfmu "Rilindja" në Çifllak dhe në objektin e Shfmu "Faik Konica" në Celinë. Organizuam dhe mbajtëm garën komunale të diturisë ndërmjet nxënësve nga klasa e tretë deri në klasat e 12-a, në shumicën e lëndëve mësimore. Në këtë garë morën pjesë të gjitha shkollat. Stacioni i pompave të ujit për Çerdhen në Krushë të Madhe u pajis me orëmatësin e rrymës elektrike.

Muaji Korrik

Është mbajtur pjesa e parë e Testit të Arritshmërisë për nxënësit e klasave të nënta, i cili u mbajt në 4 qendra shkollore dhe këtij testi iu nështruan 682 nxënës. Punimet në projektet e ndërtimit të objekteve të reja të shkollave në Shfmu "Katër Dëshmorët", dhe në Shfmu "Hamëz Thaçi" kanë vazhduar gjatë gjithë muajit. Poashtu, punime ka pasur edhe në projektet e zbatimit të masave të efijencës së energjisë, ku kanë filluar në objektin e SHFMU "Gëzim Hamza-Piktori, kanë vazhduar në Shfmu "Dëshmorët e Zatriqit" në Zatriq, në objektin e Shfmu "Rilindja" në Çifllak, e po ashtu edhe në objektin e SHFMU "Faik Konica" ku po bëhet izolimi dhe fasadimi i objektit. Pas shpalljes së rezultateve për bursa, komisioni ka shqyrtuar të gjitha ankesat nga studentët dhe nxënësit dhe ka aprovuar edhe 24 bursa shtesë për student dhe 4 bursa për nxënësit. Janë shpallur rezultatet e Provimit të Maturës, nga të cilat 58.3% të maturantëve kanë arritur pragun e kalueshërisë, ndërsa 41.6% e maturantëve nuk kanë kaluar. Është mbajtur pjesa e dytë e Testit të Arritshmërisë për nxënësit e klasave të nënta, i cili u mbajt në 4 qendra shkollore dhe këtij testi iu nështruan 682 nxënës. Kemi nënshkruar marrëveshjen për fillimin e zbatimit të projektit për pajisjen e secilës shkollë fillore me nga 4 robotë edukativ, me ç'rast, për 25 shkolla fillore do të ndahen 100 robotë të tillë. Mbajtëm takimin e fundit për këtë vit mësimor me drejtorët dhe drejtoreshat e shkollave. Kemi pranuar rezultatet e Testit të Arritshmërisë për nxënësit e klasave të nënta, dhe për 3 ditë më radhë u bë regjistrimi i nxënësve në klasat e dhjeta në 3 SHML-të dhe në IAAP "Selajdin Mullaabazi-Mici. Është lidhur kontrata për projektin "Riparime në Shkolla". Në Komitetin për Politikë dhe Financa (KPF) kemi prezantuar raportin e DKA për përfundimin e vitit mësimor 2022/2023. U bë regjistrimi i nxënësve në klasat e dhjeta në 3 SHML-të dhe në IAAP "Selajdin Mullaabazi-Mici dhe u shpallën rezultatet e të pranuarve për afatin e pare. Pas lidhjes së kontratës për projektin "Riparime në Shkolla", punimet kanë filluar menjëherë në riparimet e brendshme në objektin e Shfmu "Rilindja" në Çifllak.

Muaji Gusht

Filluam me përgatitjet për planifikimet e orëve dhe kuadrit arsimor për vitin e ri shkollor 2023/2024 dhe përgatitjet për organizimin e trajnimeve për fushat kurrikulare për mësimdhënësit fillestarë. Në mbledhjen e Kuvendit prezantuam raportin e DKA-së për përfundimin e vitit mësimor 2022/2023. Punimet në projektet e ndërtimit të objekteve të reja të shkollave në Shfmu "Katër Dëshmorët", dhe në Shfmu "Hamëz Thaçi" kanë vazhduar. Punime kanë ndodhur edhe në oborrin e Shkollës "Tre Dëshmorët", ku po ndërtohet edhe një fushë sporti. Po ashtu, punime ka pasur edhe në projektet e zbatimit të masave të efijencës së energjisë dhe ato kanë vazhduar në të gjitha pozicionet e kontratave. U ekzekutuan bursat për studentët dhe për nxënësit. Përfunduam me mbajtjen e trajnimeve për fushat kurrikulare për mësimdhënësit fillestarë, të cilat u mbajtën për gjashtë ditë me radhë nga data 21 gusht deri më 26 gusht. Në objektin e Shfmu "Hamëz Thaçi" në Xërxë kanë vazhduar punët në heqjen e dritareve të vjetra dhe zëvendësimi i tyre me dritare të reja. Për 3 ditë me radhë u bë regjistrimi i nxënësve në klasat e dhjeta, i vlefshëm për afatin e dytë, ndërsa të shtunën, më 26 gusht u mbajt afati i dytë i Provimit të Maturës, në të cilin morën pjesë 184 maturantë, të cilët në afatin e pare nuk kishin arritur pragun e kalueshmërisë.

Muaji Shtator

Pas përgatitjeve të fundit gjatë muajit gusht, viti i ri shkollor filloi të premten, më 1 shtator, përveç në Shfmu "Gëzim Hamza – Piktori" dhe në Shfmu "Rilindja" për shkak se akoma nuk kanë përfunduar punimet e efijencës së energjisë në njërin objekt, ndërsa në objektin tjetër akoma nuk patën përfunduar punimet në renovimet e brendshme. Punimet në projektet e ndërtimit të objekteve të reja të shkollave në Shfmu "Katër Dëshmorët", dhe në Shfmu "Hamëz Thaçi" kanë vazhduar. Poashtu, punime ka pasur edhe në projektet e zbatimit të masave të efijencës së energjisë, dhe ato kanë vazhduar në objektin e SHFMU "Skënder Kastrati" paralelja e ndarë në Gexhë, në Shfmu "Gëzim Hamza-Piktori" në qytet, në objektin e SHML "12 Maji" në Ratkoc, e po ashtu edhe në objektin e SHFMU "Faik Konica" në Celinë. Në kuadër të projektit "Riparime në Shkolla", punimet kanë përfunduar në riparimet e brendshme në objektin e Shfmu "Rilindja" në Çifllak, ndërkohë që u vazhdua edhe në pozicione të tjera. Furnizuam me Pako pedagogjike të gjitha shkollat dhe realizuam edhe aktivitete të tjera në kuadër të DKA-së.



Avni Morina
Avni Morina
Drejtör i DKA-së